



U skladu sa Odlukom Vlade Unsko-sanskog kantona o uslovima, načinu, postupku i kriterijima za dodjelu sredstava za finansiranje kantonalnih udruženja branioca broj: 03-02-11490-160/2025 od 30.10.2025.godine („Službeni glasnik Unsko-sanskog kantona“ broj: 25/25), Ministarstvo za pitanje boraca i ratnih vojnih invalida, r a s p i s u j e:

JAVNI POZIV

za finansiranje kantonalnih udruženja branioca
iz sredstava Budžeta Unsko-sanskog kantona za 2026. godinu

I PREDMET JAVNOG POZIVA

Predmet Javnog poziva je dodjela sredstava iz Budžeta Unsko-sanskog kantona za 2026. godinu, za finansiranje redovne registrirane djelatnosti i sredstva podrške za projekte i aktivnosti kantonalnih boračkih organizacija/udruženja/saveza (u daljnjem tekstu: Udruženje) koje doprinosi poboljšanju statusa kategorije branioca i očuvanju tekovina odbrambeno-oslobodilačkog rata 1992.-1995. i tekovina narodno-oslobodilačkog rata 1941-1945.

II PRAVO UČEŠĆA

Pravo učešća ima kantonalno Udruženje branioca koje je registrovano u skladu sa Zakonom o udruženjima i fondacijama („Službene novine Federacije Bosne i Hercegovine“ broj: 45/02 i 85/07), u daljnjem tekstu (Zakon o udruženjima i fondacijama).

III USLOVI ZA DODJELU BUDŽETSKIH SREDSTAVA

Pravo na dodjelu sredstava ima Udruženje koje je registrovano u skladu sa Zakonom o udruženjima i fondacijama, ukoliko ispunjava sljedeće uslove:

a) da je registrovano na području Unsko-sanskog kantona ili Federacije na način kako je to propisano Zakonom o udruženjima i fondacijama i da svom sastavu imaju najmanje 5 općinskih udruženja, odnosno po jedno udruženje u 5 općina Unsko-sanskog kantona, osim udruženja ratnih vojnih invalida-paraplegičara koje ovo pravo može ostvariti bez obzira na broj članova.

b) pravo na dodjelu sredstava može ostvariti i udruženje koje je osnovano od strane lica iz člana 1. stav (2) Zakona o dopunskim pravima branilaca i članova njihovih porodica („Službeni glasnik Unsko-sanskog kantona“ broj: 31/20, 9/23, 27/23 i 15/25) sa prebivalištem van Unsko-sanskog kantona u općinama Banja Luka, Prnjavor, Srbac, Prijedor, Bosanski Novi, Kozarska Dubica, Gradiška i Laktaši, a čiji su projekti i aktivnosti kandidirani za finansiranje iz Budžeta Unsko-sanskog kantona, a realiziraju se u cjelosti ili djelimično na području Unsko-sanskog kantona ili na području pobrojanih općina van Unsko-sanskog kantona.

IV POJMOVI

(1) Pod pojmom redovne registrirane djelatnosti, a u cilju finansiranja redovnog rada Udruženja, podrazumjeva se finansiranje najma kancelarije, plaćanje tekućih komunalnih usluga (troškovi za odvoz smeća i troškovi vode), troškovi električne energije, telefona, mobitela, interneta, troškovi reprezentacije, nabavka kancelarijskog materijala i materijalno tehničkih sredstava, uredske opreme i namještaja, sredstava za čišćenje kancelarija i nus prostorija, održavanja kancelarija,

VI KRITERIJI ZA DODJELU SREDSTAVA

Kriteriji za dodjelu sredstava za finansiranje redovne registrirane djelatnosti i sredstava podrške za projekte i aktivnosti Udruženju iz Budžeta Unsko-sanskog kantona:

- a) da je Izvještaj o radu i finansijski izvještaj za prethodnu godinu usvojen od strane Skupštine Udruženja;
- b) da je Program rada i finansijski plan za tekuću godinu u kojoj se aplicira za dodjelu sredstava, usvojen od strane Skupštine Udruženja;
- c) da je u propisanom roku dostavilo izvještaj o utrošku dodijeljenih finansijskih sredstava od Ministarstva za posljednju godinu za koju su im ista dodijeljena;
- d) kvalitet projekta/aktivnosti;
- e) redovno održavanje Skupštine Udruženja.

VII ZAHTJEVI KOJI SE NEĆE RAZMATRATI

Neće se uzeti u razmatranje zahtjevi Udruženja, niti će biti dodijeljena sredstva Udruženju u sljedećim slučajevima:

- a) koje je dobilo finansijska sredstva, a nije ispunilo obavezu podnošenja izvještaja o utrošku sredstava ili je podnijet izvještaj, ali ga organizaciona jedinica Ministarstva nadležna za kontrolu namjenskog utroška sredstava, nije prihvatila;
- b) ako Skupština Udruženja nije usvojila program rada ili finansijski izvještaj za prethodnu godinu;
- c) ako Udruženje nema u svom sastavu najmanje pet općinskih udruženja, odnosno po jedno udruženje u pet općina Unsko-sanskog kantona, osim udruženja ratnih vojnih invalida – paraplegičara koje ovo pravo ostvaruje bez obzira na broj članova;
- d) ako nedostaju formalni uslovi za odlučivanje po zahtjevu (netačna i neuredna dokumentacija ili nepotpuna dokumentacija, dokumentacija nije dostavljena u originalu ili kao ovjerena fotokopija);
- e) ako je nepravovremeno dostavljen zahtjev;
- f) ako su projekti i aktivnosti usmjereni prema finansiranju aktivnosti političkih stranaka;
- g) ako su projekti usmjereni za isključivu dobit pojedinaca.

VIII SREDSTVA ZA FINANSIRANJE

Sredstva za finansiranje redovne registrirane djelatnosti, sredstva podrške za projekte i aktivnosti Udruženja obezbjeđena su u Budžetu Unsko-sanskog kantona, a dodjela se vrši u skladu sa planiranim sredstvima, važećim Zakonom o izvršavanju budžeta Unsko-sanskog kantona, kao i broju odobrenih projekata i aktivnosti i sredstava za finansiranje redovne registrirane djelatnosti.

IX PRIJAVA PO JAVNOM POZIVU

(1) Zahtjev za dodjelu sredstava podnosi se na raspisani Javni poziv na posebnom obrascu, koji se preuzima sa web stranice Vlade Unsko-sanskog kantona ili u Ministarstvu, koji treba da je popunjen, potpisan i ovjeren, sa priloženom obaveznom i dodatnom dokumentacijom i to:

- 1) Rješenje o registraciji Udruženja;
- 2) Identifikacioni broj iz registra poslovnih subjekata;
- 3) Potvrdu o broju žiro-računa poslovne banke Udruženja;
- 4) Kratak opis Udruženja i njenih članova uz priložena rješenja o registraciji najmanje pet

održavanja službenog vozila, službena putovanja, plate stalno zaposlenih, finansiranja ugovorenih usluga (knjigovodstvene usluge i naknada iz ugovora o djelu), troškovi platnog prometa, finansiranje rada općinskih udruženja.

(2) Pod pojmom podrške za projekte koji se odnose na očuvanje tekovina odbrambeno-oslobodilačkog rata 1992.-1995. i tekovina narodno-oslobodilačkog rata 1941.-1945., a u skladu sa djelatnostima Udruženja, podrazumjeva se obilježavanje godišnjica, provođenje aktivnosti u cilju očuvanja tekovina odbrambeno-oslobodilačkog rata, prikupljanje arhivske građe, izložbe ratnih fotografija i eksponata, video zapisa, očuvanje i održavanje spomen - obilježja i spomenika iz perioda odbrambeno-oslobodilačkog rata, podizanje nišana/ spomenika braniocima, i sve druge slične projekte koji doprinose očuvanju i promociji vrijednosti odbrambeno-oslobodilačkog rata.

(3) Pod pojmom podrške za aktivnosti, a u skladu sa djelatnostima Udruženja, koje doprinose poboljšanju statusa kategorije branioca podrazumjeva se nabavka namirnica, higijenskih paketa, publikacija, najam prostora za aktivnosti, štampanih materijala, organiziranje okruglih stolova, edukacija, honorari za trenere, terapeute i sl, nabavka udžbenika za osnovno i srednje obrazovanje djece socijalno ugroženih članova udruženja, pomoć u liječenju teško oboljelih članova uz odgovarajuću liječničku dokumentaciju, pomoć socijalno ugroženim članovima uz odgovarajuću dokumentaciju, i sve druge slične aktivnosti.

(4) Izuzetno od utvrđenog stavom (1), (2) i (3) ove tačke, pojam finansiranja redovne registrirane djelatnosti, sredstva podrške za projekte i aktivnosti podrazumijeva i refundaciju i finansiranje/sufinansiranje redovne registrirane djelatnosti, sredstva podrške za projekte i aktivnosti, za troškove koji su nastali u toku tekuće budžetske godine.

V DJELATNOST UDRUŽENJA KOJEM SE DODJELJUJU SREDSTVA

(1) Sredstva planirana Budžetom Unsko-sanskog kantona dodjeljuju se Udruženju čija je redovna registrirana djelatnost, projekti i aktivnosti utvrđena statutima udruženja, a odnose se na:

- a) poboljšanje statusa kategorije branioca,
- b) očuvanju tekovina odbrambeno-oslobodilačkog rata 1992.-1995. i tekovina narodno-oslobodilačkog antifašističkog rata 1941.-1945,
- c) promociju i zaštitu naše baštine kroz istorijski i kulturni život boračkih kategorija,
- d) poboljšanje socijalnog statusa boračke kategorije, resocijalizaciju specifičnih kategorija boračke kategorije (RV1, djeca bez roditelja i sl.),
- e) pružanje pravne pomoći boračkoj kategoriji,
- f) pomoć socijalno ugroženim kategorijama boračkim kategorijama putem općinskih udruženja,
- g) pomoć u liječenju teško oboljelim boračkim kategorijama,
- h) i druge projekte i aktivnosti koje Komisija za provođenje Javnog poziva za finansiranje redovne registrirane djelatnosti i sredstva podrške za projekte i aktivnosti kantonalnih udruženja branioca (u daljnjem tekstu: Komisija), ocijeni da su značajni za boračke kategorije.

(2) Izuzetno od stava (1) ove tačke, programi i aktivnosti koji nisu utvrđeni statutom Udruženja, a koje Komisija ocijeni da bi dodjelom sredstava za realizacije predloženih projekata i aktivnosti značajno doprinijelo očuvanju tekovina odbrambeno-oslobodilačkog rata 1992.-1995. i tekovina narodno-oslobodilačkog rata 1941.-1945., kako i poboljšanju statusa boračkih kategorija, može predložiti ministru Ministarstva za pitanje boraca i ratnih vojnih invalida Unsko-sanskog kantona (u daljnjem tekstu: Ministarstvo) dodjelu sredstava za taj projekat ili aktivnost.

općinskih udruženja, odnosno po jedno udruženje u pet općina Unsko-sanskog kantona, dok Udruženje ratnih vojnih invalida – paraplegičara nije u obavezi da dostavi rješenja o registraciji za općinska udruženja;

- 5) Statut Udruženja;
- 6) Odluke Skupštine Udruženja o usvajanju Izvještaja o radu i finansijskog izvještaja Udruženja za prethodnu godinu (potpisane i ovjerene);
- 7) Odluke Skupštine Udruženja o usvajanju Programa rada i finansijskog plana za tekuću godinu (potpisane i ovjerene);
- 8) Zapisnik sa posljednje održane sjednice Skupštine Udruženja sa navedenim članovima koji su prisustvovali sjednici.

(2) Dodatna dokumentacija - prilaže se samo ukoliko su Udruženju potrebna finansijska sredstva i to posebno za svaku traženu dodatnu aktivnost ili angažman, i to kako dalje slijedi:

- 1) pisani dokument o potrebnim finansijskim sredstvima na godišnjem nivou za obavljanje redovnih poslova, a koja su potrebna za plaćanje tekućih komunalnih usluga (troškovi za odvoz smeća, troškovi vode), troškovi električne energije, telefona, mobitela, interneta, najma kancelarije, knjigovodstvene usluge (uz dokument obavezno priložiti po jedan račun na ime i sjedište Udruženja, a za mjesec za koje nije ispostavljen račun dostaviti pisanu procjenu troškova Udruženja za te mjesec; ugovor koji glasi na Udruženje), troškovi platnog prometa;
- 2) pisani dokument o potrebnim finansijskim sredstvima na godišnjem nivou za plaćanje reprezentacije, kancelarijskog materijala, nabavka materijalno tehničkih sredstava – jedan put u tri godine, troškove nabavke uredske opreme i namještaja, nabavke sredstava za čišćenje kancelarija i nus prostorija, održavanja kancelarije, troškovi za službena putovanja, za finansiranje rada općinskih udruženja;
- 3) potpisan ugovor za stalno zaposlene (priložiti u slučaju da Udruženje ima stalno zaposlene, dokaz o isplaćenju posljednjoj neto plati i dokaz o visini doprinosa);
- 4) potpisan ugovor o djelu (priložiti u slučaju da Udruženje ima osobe angažovane po ugovoru o djelu, dokaz o isplaćenju posljednjoj neto plati i dokaz o visini doprinosa);
- 5) dokaz o visini plate za stalno zaposlene i visini naknade za angažovane po ugovoru o djelu, odluku Skupštine ili drugog tijela Udruženja (priložiti u slučaju da Udruženje ima stalno zaposlene ili osobe angažovane po ugovoru o djelu);
- 6) dokaz o posjedovanju motornog vozila (vlasnički list, račun/predračun za održavanje i registraciju vozila);
- 7) projekat sa obrazloženjem koji se odnosi na očuvanje tekovina odbrambeno-oslobodilačkog rata 1992.-1995. i tekovina narodno-oslobodilačkog rata 1941.-1945. (cilj i plan projekta, finansijski plan projekta, trajanje projekta, broj lica koja učestvuju u realizaciji projekta tj. broj korisnika koji su obuhvaćeni projektom);
- 8) projekat sa obrazloženjem aktivnosti koje doprinose poboljšanju statusa kategorije branioca (cilj i plan aktivnosti, finansijski plan, broj korisnika koji su obuhvaćeni aktivnostima, specifičnosti potreba članova udruženja za takvom aktivnošću);
- 9) dokumentacija na osnovu koje se dokazuju troškovi koji su nastali u u toku tekuće budžetske godine, a za iste se zahtjevom traži refundacija i finansiranje/sufinansiranje redovne registrirane djelatnosti, sredstva podrške za projekte i aktivnosti (fakture, fiskalne račune, ugovore i dr., ovjerene kod nadležnog gradskog/općinskog organa ili notara), dokaze o uplati (izvodi iz banke) i dokazi o realiziranim projektima i aktivnosti.

(3) Tražena dokumentacija predaje se u originalu ili kao ovjerena fotokopija.

X OBRADA ZAHTJEVA, BODOVANJE, RANG LISTA I PRIJEDLOG NAČINA RASPODJELE

(1) Ministar Ministarstva imenuje Komisiju, koja postupa na način kako je utvrđeno Odlukom Vlade Unsko-sanskog kantona, o uslovima, načinu, postupku i kriterijima za dodjelu sredstava za finansiranje kantonalnih udruženja branioca („Službeni glasnik Unsko-sanskog kantona“ broj: 25/25).

(2) Vršeci procjenu projekata i aktivnosti, svaki član Komisije dodjeljuje od 0-5 bodova, a konačna ocjena projekta i aktivnosti predstavlja zbir bodova svih članova Komisije podijeljen sa brojem članova Komisije, a finansiranje redovne registrirane djelatnosti utvrđuje se na osnovu raspoloživih sredstava.

(3) Ministar Ministarstva donosi Konačnu rang-listu korisnika sredstava i Odluku o raspodjeli sredstava Udruženjima za tekuću budžetsku godinu.

XI NAMJENA I VISINA SREDSTAVA

Udruženju se za finansiranje redovne registrirane djelatnosti, sredstva podrške za projekte i aktivnosti, mogu odobriti finansijska sredstva iz Budžeta Unsko-sanskog kantona za 2026.godinu, na način i u iznosima kako je to utvrđeno Odlukom Vlade Unsko-sanskog kantona, o uslovima, načinu, postupku i kriterijima za dodjelu sredstva za finansiranje kantonalnih udruženja branioca, i na osnovu dokumentacije dostavljene uz zahtjev.

XII NAČIN DOSTAVLJANJA ZAHTJEVA

(1) Zahtjev za dodjelu sredstava po Javnom pozivu, sa potrebnom dokumentacijom, podnosi se u zapečaćenoj koverti, a predaje putem pošte preporučeno ili putem pisarnice Vlade Unsko-sanskog kantona, na adresu:

*Ministarstvo za pitanje boraca i ratnih vojnih invalida Unsko-sanskog kantona,
Ul. Alije Đerzeleza 2, 77000 Bihać, s naznakom „Za javni poziv za finansiranje kantonalnih
udruženja branioca za 2026.godinu – ne otvaraj“.*

(2) Javni poziv se objavljuje na web stranici Ministarstva i ostaje otvoren 10 (deset) dana od dana objavljivanja.

XIII NAMJENSKO KORIŠTENJE I PRAVDANJE UTROŠKA DODIJELJENIH SREDSTAVA, IZVJEŠTAVANJE I POVRAT DODIJELJENIH SREDSTAVA

(1) Obaveza Udruženja je da dodijeljena sredstva iz Budžeta Unsko-sanskog kantona, namjenski koristi za finansiranje redovne registrirane djelatnosti, finansiranje projekata za očuvanje tekovina odbrambeno-oslobodilačkog rata 1992.-1995. i tekovina narodno-oslobodilačkog rata 1941.-1945, kao i aktivnosti kojima se pridonosi poboljšanje statusa kategorije branioca.

(2) Udruženje kojem budu dodijeljena sredstva za finansiranje, dužno je izvještaj o namjenskom utrošku dodijeljenih budžetskih sredstava iz Budžeta Unsko-sanskog kantona, dostaviti Ministarstvu najkasnije do 31. marta naredne godine, a za prethodnu godinu za koju su sredstva dodijeljena.

(3) Udruženje koje se kod korištenja dodijeljenih sredstava ne bude pridržavalo odredaba Odluke o uslovima, načinu, postupku i kriterijima za dodjelu sredstva za finansiranje kantonalnih udruženja branioca, neće imati pravo učešća za dodjelu sredstava za narednu budžetsku godinu i u obavezi je da izvrši povrat sredstava, kao i ukoliko je organizaciona jedinica Ministarstva čija je nadležnost da prati namjensko korištenje i pravdanje dodijeljenih sredstava, utvrdila da sredstva nisu

namjenski utrošena, a u slučaju da neuredno vode poslove knjige u skladu sa opće prihvaćenim računovodstvenim principima i da ne sastavljaju i ne dostavljaju finansijske izvještaje na način kako je to propisano materijalnim propisima i propisima iz oblasti upravljanja i kontrole i odredbama predmetne odluke, Ministarstvo će preduzeti mjere u skladu sa zakonskim ovlaštenjima.

XIV OSTALO

(1) Ministarstvo će na osnovu Odluke o raspodjeli sredstava ministra Ministarstva, zaključiti Ugovor sa Udruženjem, u kojem se utvrđuju međusobna prava i obaveze.

(2) Sastavni dio ugovora je tabelarni prikaz visine i namjene sredstava, utvrđen na osnovu Odluke o raspodjeli sredstava ministara Ministarstva.

Broj: 12-11-4610-1 /2026
Bihać, 25.3.2026.godine

